

**Sambŭt
Yôhan
Nchih
Rơh 2**

Nau bôk ăn bu gĩt lor

Nờm nchih sambŭt dja rnha Yôhan, păng nchih sambŭt dja klăp lah ta năm 60-90. Ta nau ngơi Grek mầu ôh geh nchih rnha Yôhan ta sambŭt dja, nờm nchih kuăl săk păng nờm 'Kôranh', yờn ma phung kôranh phung nsing ma Brah Krist ốk năm bớh kới jêh bu nchih nau tâm rnglăp mhe, nchih lah nờm nchih Yôhan i kôranh oh mon Brah Krist. Bu mân lah păng nchih sambŭt dja ta bon Ephêsô, păng njuăl sambŭt dja ăn ma 'Yôh bu ur, ndrel ma phung oh kon bu ur i nây', geh bunuyh aă mân lah khân păng i nây jêng du huê bu ur ndâp ma i kon păng i Yôhan gĩt năl, geh bunuyh ốk mân lah ngơi hôh ma phung nsing du ntũk. Yôhan nchih sambŭt Yôhan nau mhe mhan ueh đống, sambŭt Yôhan rơh 1, rơh 3 ndrel ma sambŭt Nau Tâm Mpơl đống.

Nau ũch ntrống ta sambŭt dja

Ta sambŭt dja Yôhan n'hao nuih n'hâm ndrăng phung nsing ăn tâm rống ndrăng khân păng nờm, păng nti lah bu moh i rống ma bu jêng iăt nau Kôranh Brah đă, jêh ri păng đă njrăng nau nti nklă.

Mboh nau khlay ta nkố ta sambŭt dja

- Nau ôp ueh lăng (1:1-3)
- Nau tâm rông ndrăng bunuyh nsing (1:4-6)
- Nôm nti nklă (1:7-11)
- Nau ntinh n'glê dūt (1:12-13)

Nau ôp ueh lăng

¹ Sambūt dja tă bôh gáp Yôhan i kôranh ta phung i nsing ma Brah Yêsu Krist. Dăn ôp nau ueh lăng ma yôh bu ur, ndrel ma phung oh kon bu ur i này*. Lẽ Kôranh Brah de kơih khân ay may jêh. Gáp rông khân ay may ngăng ngên. Mâu ôh dơn du huê gáp dơn i geh nau rông i này, dăng lẽ mpôl i lẽ gĩt năl Nau Ngăn, khân păng geh nau rông i này đổng.* ² Nau rông i này geh yorlah Nau Ngăn lẽ gũ jêh ndrel bân abăo dja, jêh ri hôm gũ ndrel bân băbơ n'ho ro. ³ Dăn Kôranh Brah Bở, ndrel ma Brah Yêsu Krist i Kon Kôranh Brah Bở nôm, ăn nau ueh, nau yố, nau đăp mpăn ma phung bân i gũ ta nau nti i ngăn, ndrel ma gũ ta nau rông.*

Nau tâm rông ndrăng oh nô ta nau nsing

⁴ Gáp geh nau rằm maak hô ngăn, yor ma say oh kon ay abă i lẽ gũ rêh jan tâng nau nti i ngăn, jêng tâm di đăh nau Kôranh Brah Bở đă bân nơh.* ⁵ Ở yôh ta nau nsing, ta sambūt i gáp nchih njuăl dja, gáp ếch nkah tôr ay, ăn phung

* **1:1** 1:1: 'Yôh bu ur' i này bu mân lah, ngơi ma phung nsing i rbum ta ntuk nguai, jêh ri 'Oh kon bu ur' i này, ngơi ma dăng lẽ bunuyh i nsing ma Brah Krist ta ntuk rbum i này. * **1:1** 1:1: 3Yô 1:1; Yôh 14:6 * **1:3** 1:3: 1Ti 1:2; 2Ti 1:2 * **1:4** 1:4: 3Yô 1:3-4

bân tâm rông ndrăng bân nôm. Nau đã ma nau rông i nây mâu di ôh nau đã mhe, jêng nau đã ơm i phung bân lẽ ơm geh ntôm bôh saôm nôm.*
 6 Nau tâm rông ndrăng bân nôm geh nau khlay lah jan tâng nau Kôranh Brah lẽ đã ma phung bân. Păng đã phung bân tâm rông ndrăng bân nôm, ndri ay lẽ tăng ntôm bôh saôm nôm.*

Nôm nti nklă

7 Ta neh ntu dja lẽ geh ők mpôl i mbrôh bu ăn jan tih, mpôl i nây nti kôt nda: Brah Yêsu Krist vâch ta dja mâu ôh jêng rnglay săk bunuyh ngăn. Bu moh i nti kôt nây, păng jêng bunuyh mbrôh bu, jêng bunuyh i tâm rdâng đah Brah Krist.*
 8 Ân khân ay may njrăng ngăn hôm, klach lah roh nau nkhôm ma ndơ i dâng lẽ bân lẽ nsrôyh jan kar. Yơn ma ăn khân ay may nsrôyh jan kar gay ma sô dơn nau nkhôm i nây ăn râng. 9 Bu moh i mâu ndjôt nập nau nti Brah Krist, jan rlau ta nau nti i nây, păng i nây mâu geh ôh Kôranh Brah gũ ndrel. Yơn ma bu moh i ndjôt nập nau nti i nây, păng i nây geh Kôranh Brah Bở, ndrel ma Kon Kôranh Brah nôm gũ ndrel ta păng.* 10 Lah bu moh i hăn ta khân ay may, mâu nti nau i nây ma khân ay may, lời ôh rom păng gũ ta trôm jay khân ay may, jêh ri lời ôh ôp nau ueh lăng păng đống.* 11 Bu moh i ôp nau ueh lăng bunuyh i kôt nây, jêng lẽ tâm di nau ndrel nau djơh bunuyh i nây jan đống.

* 1:5 1:5: Yôh 13:34 * 1:6 1:6: Yôh 14:15; 1Yô 5:3 * 1:7 1:7: 1Yô 4:1-3 * 1:9 1:9: Yôh 7:16; 12:49; 1Yô 2:23 * 1:10 1:10: Rôm 16:17

¹² Geh ők nau jât i gáp ۆch nchih ăn ma khân ay may, yơn ma gáp mầu ۆch ôh nchih ma dak krăk ta n'ha rđayh, yorlah gáp rơm hăn khõl khân ay may, tâm ngời ndrel khân ay may, gay ma dăng lể bân geh nau răm maak lơ ma hô ngăn.* ¹³ Lõng oh kon yôh khân ay may† i lể Kôranh Brah de kơih nơh, khân păng ôp nau ueh lăng khân ay may đống.

* **1:12** 1:12: 3Yô 1:13-14 † **1:13** 1:13: Mầu lah 'Lõng dăng lể bunuyh i nsing ma Brah Yêsu Krist ta ntũk dja'.

**Nau Kôranh Brah Ngoi Nau Tâm Rnglăp
Mhe
Mnong, Central: Nau Kôranh Brah Ngoi Nau Tâm
Rnglăp Mhe New Testament**

copyright © 2016 Wycliffe Bible Translators, Inc.

Language: Central Mnong

Contributor: Wycliffe Bible Translators, Inc.

All rights reserved.

2020-11-16

PDF generated using Haiola and XeLaTeX on 21 Feb 2024 from source
files dated 29 Jan 2022

e066eeff-60da-5ff7-9822-f65015bcd247